


魚尾

總集類



10252

晚唐詩鈔卷第五

李商隱詩三

天涯

五絕

春日在天涯
天涯日又斜
鶯囀如有淚
為溼最高花

追代盧家人嘲堂內

道卻橫波字
人前莫謾羞
只應同楚水
長短入淮

流

淮懷也

登樂遊原

向晚意不適
驅車登古原
夕陽無限好
只是近黃

晚唐詩鈔卷第五

一

十千寺鳥

昏

滯雨

滯雨長安夜
殘燈獨客愁
故鄉雲水地
歸夢不宜

秋

謁山

七絕

從來繫日乏長繩
水去雲迴恨不勝
欲就麻姑買滄海
一盃春露冷如冰

日日

日日春光鬪日光
山城斜路杏花香
幾時心緒渾無事
得及遊絲百尺長



夜冷

樹遶池寬月影多
邛砧塢笛隔風蘿
西亭翠被餘香薄
一夜將愁向敗荷

西亭

此夜西亭月正圓
疎簾相伴宿風煙
梧桐莫更翻清露
孤鶴從來不得眠

戲題友人壁

花逕逶迤柳巷深
小闌亭午轉春禽
相如解作長門賦
却用文君取酒金

宿駱氏亭寄懷崔雍崔衮

晚唐詩苑卷五

二

十干寺鳥

竹塢無塵水檻清
相思迢遞隔重城
秋陰不散霜飛晚
留得枯荷聽雨聲

三月十日流杯亭

身屬中軍少_{一作}可得歸
木蘭花盡失春期
偷隨柳絮到城外
行過水西聞子規

病中早訪招國李十將軍
遇挈家遊曲江
十頃平波溢岬清
病來唯夢此中行
相如未是真消渴
猶放沱江過錦城

訪人不遇留別館

卿卿不惜瑣窗春
去作長楸走馬身
閒倚繡簾吹

柳絮日高深院斷無人

暮秋獨遊曲江

荷葉生時春恨生
荷葉枯時秋恨成
深知身在情長在
悵望江頭江水聲

憶住一師

無事經年別遠公
帝城鐘曉憶西峰
爐煙消盡寒燈晦
童子開門雪滿松

戲題贈稷山驛吏王全

自注全爲驛吏五十六年人稱有道術往來多贈詩章

絳臺驛吏老風塵
躄酒成仙幾十春
過客不勞詢甲子
惟書文字與時人

晚唐詩鈔卷第五

三

十千作魚

寄惱韓同年時韓住蕭洞

簾外辛夸定已開
開時不放豔陽回
年華若到經風雨
便是胡僧話劫灰

龍山晴望鳳樓霞
洞裏迷人有幾家
我爲傷春心自醉
不勞君勸石榴花

韓冬郎卽席爲詩相送
一座盡驚他日余
方追吟連宵侍坐徘徊久
之句有老成之風
因成二絕寄酬兼呈畏之員外

十歲裁詩走馬成
冷灰殘燭動離情
桐花萬里丹山路
雛鳳清於老鳳聲

劍拔風檣各苦辛別時冬雪到時春爲憑何遜休
聯句瘦盡東陽姓沈人

自注沈東陽約嘗謂何遜曰吾每讀卿詩一日三復終未能舍雖無東陽之才

而有東陽之瘦矣

南山趙行軍新詩盛稱遊讌之洽因寄一

絕

蓮幕遙臨黑水津橐韃無事但尋春梁王司馬非
孫武且免宮中斬美人

寄蜀客

君到臨邛問酒壚近來還有長卿無金徽卻是無
情物不許文君憶故夫

晚唐詩鈔卷第五

四

十千寺高

西南行卻寄相送者

百里陰雲復雪泥行人只在雪雲西明朝驚破還
鄉夢定是陳倉碧野鷄

夜雨寄北

君問歸期未有期巴山夜雨漲秋池何當共剪西
窓燭却話巴山夜雨時

過鄭廣文舊居

宋玉平生恨有餘遠尋三楚弔三閭可憐留著臨
江宅異代應教庾信居

渚宮故事庾信避亂江陵居宋玉故宅其賦曰諫茅宋玉之宅穿徑臨江之府

漫成

生兒古有孫征虜嫁女今無王右軍借問琴書終
一世何如旗蓋仰三分

郭令素心非黷武韓公本意在和戎兩都耆舊偏
垂淚臨老中原見朔風

杜司勳

高樓風雨感斯文短翼差池不及羣刻意傷春復
傷別人間唯有杜司勳

宮辭

君恩如水向東流得寵憂移失寵愁莫向樽前奏
花落涼風只在殿西頭

公子

晚唐詩鈔卷第五

五

十千詩烏

外戚封侯自有恩平明通籍九華門金唐公主年
華小二十君王未許婚

嫦娥

雲母屏風燭影深長河漸落曉星沉姮娥應悔偷
靈藥碧海青天夜夜心

瑤池

瑤池阿母綺窗開黃竹歌聲動地哀八駿日行三
萬里穆王何事不重來

宮妓

珠箔輕明拂玉墀披香新殿鬪腰肢不須看盡魚
龍戲終遣君王怒偃師

吳宮

龍檻沉沉水殿清禁門深掩斷人聲吳王宴罷滿
宮醉日暮水漂花出城

楚吟

山上離宮宮上樓樓前宮畔暮江流楚天長短黃
昏兩宋玉無愁亦自愁

岳陽樓

漢水方城帶百蠻四隣誰道亂周班如何一夢高

唐雨自此無心入武關

青陵臺

青陵臺畔日光斜萬古貞魂倚暮霞莫許韓憑爲
蛺蝶等閒飛上別枝花

咸陽

咸陽宮闕鬱嵯峨六國樓臺豔綺羅自是當時天
帝醉不關秦地有山河

題漢祖廟

乘運應須宅八荒男兒安在戀池隍君王自起新
豐後項羽何曾在故鄉

賈生

宣室求賢訪逐臣
賈生才調更無倫
可憐夜半虛前席
不問蒼生問鬼神

漢宮詞

青雀西飛竟未回
君王長在集靈臺
侍臣最有相如渴
不賜金莖露一杯

曼倩辭

十八年來隋世間
瑤池歸夢碧桃閒
如何漢殿穿鍼夜
又向窗中覩阿環

東阿王

晚唐詩金卷第五

十

上

國事分明屬灌均
西陵魂斷徃來人
君王不得爲天子
半爲當時賦洛神

齊宮詞

永壽兵來夜不扃
金蓮無復印中庭
梁臺歌管三更罷
猶自風搖九子鈴

北齊二首

一笑相傾國便亡
何勞荆棘始堪傷
小憐玉體橫陳夜
已報周師入晉陽

巧笑知堪敵萬機
傾城最在著戎衣
晉陽已陷休

迴顧更請君王獵一圍

南朝

地險悠悠天險長金陵王氣應瑤光休誇此地分
天下只得徐妃半面粧

隋宮

一云隋堤

乘興南遊不戒嚴九重誰削諫書函春風舉國裁
宮錦半作障泥半作帆

驪山有感

驪岫飛泉泛暖香九龍呵護玉蓮房平明每幸長
生殿不從金輿唯壽王

龍池

晚唐詩翁卷之三

八

十千寺記

龍池賜酒啟雲屏羯鼓聲高衆樂停夜半宴歸宮
漏永薛王沈醉壽王醒

李衛公

絳紗弟子音塵絕鸞鏡佳人舊會稀今日致身歌
舞地木繇花暖鷓鴣飛

閨情

紅露花房白蜜脾黃蜂紫蝶兩參差春窗一覺風
流夢卻是同衾不得知

代贈二首

樓上黃昏欲望休玉梯橫絕月如鉤芭蕉不展丁

香結同向春風各自愁

東南日出照高樓樓上離人唱石州總把春山掃
着黛不知供得幾多愁

春日

欲入盧家白玉堂新春吹破舞衣裳蝶銜花藥蜂
銜粉共助青樓一日忙

爲有

爲有雲屏無限嬌鳳城寒盡怕春宵無端嫁得金
龜婿辜負香衾事早朝

無題

晚唐詩鈔卷第五

九

聞道閨門萼綠華昔年相望抵天涯豈知一夜秦
樓客偷看吳王苑內花

無題

紫府仙人號寶燈雲漿未飲結成冰如何雪月交
光夜夏在瑤臺十二層

無題

白道縈迴入暮霞斑駁嘶斷七香車春風自共何
人笑枉破陽城十萬家

月

過水穿樓觸處明藏人帶樹遠含清初生欲缺虛

惆悵未必圓時郎有情

柳

曾逐東風拂舞筵樂遊春苑斷腸天如何肯到清
秋日已帶斜陽又帶蟬

木蘭花

古今詩話義山遊長安宿旅店客賦木蘭花詩衆皆
謬蒙誇示義山後成客盡驚問之始知是義山一云陸龜

蒙
誤

洞庭波冷曉侵雲日日征帆送遠人幾度木蘭舟
上望不知元是此花身

鴛鴦

雌去雄飛萬里天雲羅滿眼泪潸然不須長結風

晚唐詩鈔卷第五

十

十千詩馬

波願鑠向金籠始兩全

段成式

字柯古宰相文昌子以蔭為校書郎研精苦學秘閣書籍披閱皆遍
歷尚書郎大常少卿連典九江緡雲廬陵三郡坐累退居襄陽以書
史自娛尤浚佛書有集七卷今選七絕共一十六首按玉堂閒話云
成式少好駢說文昌以為患令幕客言之唯唯遜謝朝日復出獵送諸
客更各一雙啓中徵引典故無一事重疊者客語文昌齋以書上始
知其子藝文諛贖所撰有酉陽雜俎三十卷漢上題襟集三卷今多逸

折楊柳

枝枝交影鑽長門嫩色曾沾雨露恩鳳輦不來春

欲盡空留鶯語到黃昏

水殿年年占早芳柔條偏惹御鑪香而今萬乘多

巡狩輦路無陰綠艸長

微黃纔綻未成陰繡戶珠簾相映深長恨早梅無
賴極先將春色出前林

隋家堤上已成塵漢將營邊不復春只向江南并
塞北酒旗相伴惹行人

戲高侍御七首

百媚城中一個人紫羅垂手見精神青琴仙子長
教示自小來來號阿真

七尺髮猶三角梳玳牛獨駕長檐車曾城自有三
青鳥不要蓮東雙鯉魚

花恨紅腰柳妬眉東鄰牆短不曾窺猶憐最小分

瓜日柰許迎春得滿時

晚唐詩餘卷五

二

自等腰長尺六彊兩重危髻儘釵長欲薰羅薦嫌
龍腦須爲尋求石葉香

別起青樓作幾層斜陽慢卷鹿盧繩厭裁魚子滾
紅纈泥覓蜻蜓淺碧綾

詐嫌嚼貝磨衣鈍私帶男錢整鬢低不獨邯鄲新
嫁女四枝鬢上插通犀

可羨羅敷自有夫愁中漫捋白髭鬚豹錢驄子能
擎舉兼著連乾許換無

朝飛卿

醉袂幾侵魚子纈飄纓長習鳳凰釵知君欲作閒
情賦應願將身作錦鞵

飛卿有錦鞵賦

愁機嬾織同心苴悶繡先描連理枝多少風流詞
句裏愁中空詠早環詩

柔卿解籍戲呈飛卿三首

長檐犢車初入門金牙新醞盈深樽良人爲漬木
瓜粉遮卻紅腮交午痕

最宜全幅碧鮫綃自襲春羅等舞腰未有長錢求
艸錦且令裁取一團嬌

錦名

出意挑鬟一尺長金爲鈿鳥簇釵梁鬱金種得花

晚唐詩金卷第五

十一

茸細添入春衫領裏香

免

卷第五

晚唐詩鈔卷第六

温庭筠一作雲

字飛卿本名岐并州祁人貞觀宰相彥博之後少敏悟工辭章與李商隱齊名大中中應舉京師能蕩不修檢幅多作側辭豐曲與貴胄蒲飲狎耽舉場多為人假手執政惡之貶授方山尉徐商鎮襄陽署為巡官咸通中失意歸江東令狐綯方鎮淮南庭筠怨居中時不為助力過府不肯謁與少年狂遊乞索揚子院夜醉被邏卒毆傷訴於綯綯不為理事聞京師庭筠徧見公卿雪冤屬徐商知政事頗右之白用為國子助教會商罷相見廢卒著述頗多為詩韻格清拔文士稱之集四種二十八卷今選各體共一百零九首按庭筠與綯子瀟遊素出其門宣宗愛唱菩薩蠻詞綯嘗假手疑筠黨進之戒令勿泄而遽言於人又譏綯無學每云中書堂內坐將軍由是疎之且善於屬對李義山嘗謂之曰近得聯句云遠比趙公三十六年宰相未得偶句庭筠曰近同郭令二十四考中書宣宗嘗賦詩上句有金步搖未能對謹求進士對之庭筠以玉條脫對帝賞焉又藥名有白頭翁以蒼耳子對初會昌時分遣御史檢天下所廢寺及收錄金銀佛像有蘇監察者巡檢兩街見狻猊一尺以下者多袖之而歸人謂之蘇捩佛或問庭筠何對曰無以過密陀僧也他多類此又宣宗好微行遇

晚唐詩鈔卷第六

一

十下寺島

温於逆旅温不識傲然詰之曰公非司馬長史之流耶又曰得非六參簿尉之類帝曰非也後坐謫其制詞曰徒負不羈之才罕有適時之用云云

江南曲

五古

妾家白蘋浦日上芙蓉檝
軋軋搖槳聲移舟入菱葉
溪長菱葉深作底難相尋
避郎郎不見鷓鴣自浮沉
拾萍萍無根採蓮蓮有子
不作浮萍生寧為蕩花
死岸傍騎馬郎烏帽紫遊韉
含愁復含笑回首問橫塘
妾住金陵步門前朱雀航
涼蘇持作帳芙蓉持作梁
出入金犢憶兄弟侍中郎
前年學歌舞定得郎相許
連娟眉繞山依約腰如杵
鳳管悲

若咽鸞弦嬌欲語扇薄露紅鉛羅輕壓金縷明月
西南淩珠簾玳瑁鈎橫波巧能笑鸞蛾不識愁花
開子留樹草長根依土早聞金溝遠底事歸卽許
不學場白一作閨中婦朝朝淚如雨

碌碌古詞

左亦不碌碌右亦不碌碌野草自一作着根肥羸牛生
健犢融蠟作杏蒂男兒不戀家春風破紅意女頰
如桃花忠言未見信巧語翻咨嗟一鞘無一作沒兩刃
徒勞油壁車

四洲詞 吳聲

此序詩金冬第六

二

十干詩塢

悠悠復悠悠昨日下西洲西洲風色好遙見武昌
樓武昌何鬱鬱儂家定無匹小婦被流黃登樓撫
瑤瑟朱絃繁復輕素手直淒清一彈三四解掩抑
似含情南樓登且望西江廣復平艇子搖兩槳催
過石頭城門前烏白樹慘澹天將曙鷓鴣飛復還
卽隨早帆去回頭語同伴定復負情儂去帆不安
幅作底使西風他日相尋索莫作西洲客西洲人
不歸春草年年碧

古音

莫莫復莫莫絲蘿綠澗壑散木無斧斤纖莖得依

託枝低浴鳥歌根靜懸泉落不慮見春遲空傷致
身錯

鴻臚寺有開元中錫宴堂樓臺池沼雅為
勝絕荒涼遺趾僅有存者偶成四十韻

明皇昔御極神聖垂耿光沉機發雷電逸躅陵堯
湯西覃積石山北至窮髮鄉四凶有獬廌一臂無
螳螂嬋娟得神豔郁烈聞國香紫條鳴羯鼓玉管
吹霓裳祿山未封侯林甫才為即昭融廓日月妥
帖安紀綱羣生到壽域百辟趨明堂四海正夷宴
一塵不飛揚天子自遊豫侍臣宜樂康軋然閭闔

此序奇金卷第六

三

十千詩鳴

開赤日生扶桑玉砌露盤紆金壺漏丁當斂珮相
擊觸左右隨趨鏘玄珠十二流紅粉三千行矜矜
生羽翼咄嗟迴雪霜神霞凌雲閣春水驪山陽盤
鬪九子梭甌擊五雲漿雙瓊京兆博七鼓邯鄲倡
毳毼碧鷄鬪龍葱翠雉塲仗官繡蔽膝寶馬金鏤
錫板塗隔鸚鵡柘彈驚鴛鴦猗歟華國臣鬢髮俱
蒼蒼錫宴得佳致車從真煒煌畫鷁照魚鼈鳴騶
亂鶯鶻鮎豔蕩碧波炫煌迷橫塘縈盈舞迴雪宛
轉歌遠梁豔帶畫銀絡寶梳金鈿筐沈冥類漢相
醉倒疑楚狂一旦紫微東胡星森耀芒憑陵逐鯨

鯢唐突驅犬羊縱火三月赤戰塵千里黃殺函與
府寺從此俱荒涼茲地乃蔓草故基摧壞墻枯也
接斷岸唧唧啼寒螿敗荷塌作泥死竹森如槍遊
人問老吏相對聊感傷豈必見麋鹿然後堪廻腸
幸今遇太平令節稱羽觴誰知曲江臨歲歲棲鸞
皇

寄山中人

月中一雙鶴石上千尺松素琴入爽籟山酒和春
容幽瀑有時斷片雲無所從何事蘇門生攜手東
南峯

東郊行

七古

鬪鷄臺下東西道柳覆斑駁蝶縈草塊靄韶容鑠
澹愁青筐葉盡蠶應老綠渚幽香生白蘋差差小
浪吹魚鱗王孫騎馬有歸意林彩著空如細塵安
得人生各相守燒船破棧休馳走世上方應無別
離路傍夏長千枝柳

塞寒行

燕弓弦勁霜封瓦撲簸寒鷗睇平野一點黃塵起
鴈喧白龍堆下千蹄馬河源怒濁風如刀剪斷朔
雲天更高晚出榆關逐塞北驚沙飛迸衝貂袍心

許凌煙名不滅年年錦字傷離別彩毫一畫竟何
榮空使青樓淚成血

太液池歌

腥鮮龍氣連清防花風漾漾吹細光疊瀾不定照
天井倒影蕩搖晴翠長平碧淺春生綠塘雲容雨
態連青蒼夜深銀漢通柏梁二十八宿朝玉堂

謝公墅歌

朱雀航南繞香陌謝郎東墅連春碧鳩眠高柳日
方融綺榭飄飄紫庭客文楸方罨花參差心陣未
成星滿地四座無喧梧竹靜金蟬玉柄俱持頤對
局含情見千里都城已得長蛇尾江南王氣繫疎
襟未許符堅過淮水

東峰歌

錦礫潺湲玉溪水曉來微雨藤花紫冉冉山鷄紅
尾長一聲樵斧驚飛起松刺梳空石差齒煙香風
軟人參崑陽崖一夢伴雲根仙菌靈芝夢魂裏

郭處士擊甌歌

佶粟金蚪石潭古勺陂激澗幽修語湘君寶馬上
神雲碎珮叢鈴滿煙雨吾聞三十六宮花離離輒
風吹春星斗稀玉晨冷磬破昏夢天露未乾香著

衣蘭釵委隊垂雲髮小響丁當逐迴雪晴碧煙滋
重疊山羅屏半掩桃花月太平天子駐雲車龍鑪
勃鬱雙螭拏宮中近臣抱扇立侍女低鬟落翠花
亂珠觸續正跳蕩傾頭不覺金烏斜我亦爲君長
嘆息絨情遠寄愁無色莫沾香夢綠楊絲千里春
風正無力

生葆屏風歌

玉墀暗接崑崙井井上無人金索冷畫壁陰森九
子堂階前細月鋪花影繡屏銀鴨香翦濛天上夢
歸花繞叢空男漫作後庭草不似櫻桃子子紅

西陵道士茶歌

乳竇濺濺通石脈綠塵愁草春江色澗花入井水
味香山月當人松影直仙翁白扇霜烏翎拂壇夜
讀黃庭經疎香皓齒有餘味更覺鶴心通杳冥

醉歌

檐桷初黃燕初乳曉碧芊緜過微雨樹色深含臺
榭情鷺聲巧作煙花主錦袍公子陳盃觴撥醅百
甕春酒香入門下馬問誰在降階握手登華堂臨
邛美人連山眉低抱琵琶含怨思朔風繞指我先
笑明月入懷君自知勸君莫惜金一作芳尊酒年少須

史如覆手辛勤到老慕簞瓢於我悠悠竟何有洛
陽盧仝一作生稱文房妻子脚秃春黃糧阿耆光顏不
識字拈麾豪雋如驅羊天犀歷斷朱鼉鼠瑞錦驚
飛金鳳凰其餘豈足沾牙齒欲用何能報天子鴛
馬垂頭捨冥塵驂騑一日行千里但有沈冥醉客
家支頤瞪目持流霞惟恐南園風雨落碧蕪狼籍
棠梨花

懊惱曲

萬絲作線難勝針葑粉染黃那得浚玉白蘭芳不
相顧青樓一笑輕千金莫言自古皆如此健劍刺

晚唐詩鈔卷第六

一

十千詩塢

鐘鉛繞指三秋庭綠盡迎霜惟有荷花守紅死廬
一作西江小吏朱斑輪柳縷吐芽香玉春兩股金釵已
相許不令獨作空城塵悠悠楚水流如馬恨紫愁
紅滿平野野土千年怨不平至今燒作鴛鴦瓦

達摩支曲

擣麝成塵香不滅拗蓮作寸絲難絕紅淚文姬洛
水春白頭蘇武天山雪君不見無愁高緯花漫漫
漳浦宴餘清露寒一旦臣僚共囚虜欲吹羌管先
汎瀾舊臣頭鬢霜華蚤可惜雄心醉中老萬古春
歸夢不歸鄴城風雨連天艸

春曉曲

家臨長信往來道乳燕雙雙拂煙草
油壁車輕金犢肥流蘇帳曉春雞蚤
籠中嬌鳥暖猶睡簾外落花閒不掃
衰桃一樹近前池似惜紅顏鏡中老

鷄鳴埭曲

南朝天子射雉時銀河耿耿星參差
銅壺漏斷夢初覺寶馬塵高人未知
魚躍蓮東蕩官沼濛濛御柳懸栖鳥
紅粧萬戶鏡中春碧樹一聲天下曉
盤踞勢窮三百年朱方殺氣成愁煙
彗星拂地浪連海戰鼓渡江塵漲天
繡龍畫雉填宮井野火風驅燒九鼎
殿巢江燕砌生蒿十二金人霜炯炯
芊絲平綠臺城基暖色春容荒古陂
寧知玉樹後庭曲留待野棠如雪枝

張靜婉採蓮曲

并序

靜婉羊侃姁也其容絕世侃自為採蓮二曲今樂府所存失其故意因戲以俟採詩者事具載深史

蘭膏隊髮紅玉春燕釵拖頸拋盤雲城西楊柳向
橋晚門前溝水波粼粼麒麟公子朝天客珂一作馬

堂堂渡春陌掌中無力舞衣輕翦斷絞綃破春碧

抱月飄煙一尺腰麝臍龍髓憐嬌繞秋羅拂水碎

光動露重花多香不銷鷓鴣交交一作膠膠塘水滿綠芒

如粟蓮莖短一夜西風送雨來粉痕零落愁紅淺
船頭折蕩絲暗牽蕩根蓮子相留連郎心似月月
易缺十五十六清光圓

夜宴謠

長釵墜髮雙蜻蜒碧盡山斜開畫屏虯鬚公子五
侯客一飲千鍾如建瓴鸞咽妖唱圓無節眉斂湘
烟袖迴雪清夜恩情四座同莫令溝水東西別亭
亭蠟淚香珠殘暗露曉風羅幕寒飄飄戟帶儼相
次二十四枝龍畫竿裂管縈絃共繁曲芳樽細浪
傾春醪高樓客散杏花多脈脈新蟾如瞪目

晚唐詩鈔卷第六

九

十干詩塢

舞衣曲

蕩腸纖縷抽輕春煙機漠漠嬌蛾嘖金梭浙瀝透
空薄剪落交刀吹斷雲張家公子夜聞雨夜向蘭
堂思楚舞蟬衫麟帶壓愁香偷得鴛簧鑽金縷管
含蘭氣嬌語悲胡槽雪腕鴛鴦絲芙蓉力弱應難
定楊柳風多不自持迴嘖笑語西窗客星斗寥寥
波脈脈不逐秦王卷象床滿樓明月梨花白

照影曲

景陽粧罷瓊窗煖欲照澄明香步嬾橋上衣多抱
彩雲金鱗不動春塘滿黃印額山輕為塵翠鱗紅

穉俱含嚙桃花百媚如欲語曾爲無雙今兩身

蓮浦謠

鳴橈軋軋溪溶溶廢綠平煙吳苑東水清蓮媚兩
相向鏡裏見愁愁更紅白馬金鞭大堤上西江日
夕多風浪荷心有露似驪珠不是真圓亦搖蕩

曉仙謠

玉妃喚月歸海宮月色澹白涵春空銀河欲轉星
靨靨碧浪疊山埋早紅宮花有露如新淚小苑叢
叢入寒翠綺閣空傳唱漏聲網軒未辨凌雲字遙
遙珠帳連湘煙鶴扇如霜金骨仙碧簫曲盡綵霞
動下視九州皆悄然秦王女騎紅尾鳳半空回首
晨鷄弄霧蓋狂塵億兆家世人猶作牽情夢

織錦詞

丁東細漏侵瓊瑟影轉高梧月初出簇簇金梭萬
縷紅鴛鴦豔錦初成匹錦中百結皆同心蕊亂雲
盤相間浚此意欲傳傳不得玫瑰作柱朱絃琴爲
君裁破合歡被星斗迢迢一作寥寥共千里象尺一作齒薰爐
未覺秋碧池已有新蓮子

惜春詞

百舌問花花不語低回似恨橫塘雨蜂爭粉蕊蝶

分香不似垂楊惜金縷願君留得長妖韶莫逐東風還蕩搖秦女含顰向煙月愁紅帶露空迢迢

一作空更

春江花月夜詞

玉樹歌闌海雲黑花庭忽作青燕國秦淮有水水無情還向金陵漾春色楊家二世安九重不御華芝嫌六龍百幅錦帆風力滿連天展盡金芙蓉珠翠丁星復明滅龍頭劈浪哀笳發千里涵空澄水寬萬枝破鼻團一作飄香雪漏轉霞高滄海西玻璃枕上聞天鷄蠻絃代寫曲如語一醉昏昏天下迷四方傾動煙塵起猶在濃香夢裏後主荒宮有曉鶯飛來只隔西江水

晚唐詩鈔卷第六

土

十十詩稿

齊宮

五律

白馬雜金飾言從雕輦迴粉香隨笑度鬢態伴愁來遠水斜如剪青莎綠似裁所恨章華日冉冉下層臺

偶題

孔雀眠高閣櫻桃拂短檐畫明金冉冉筆語玉纖纖細雨無妨燭輕寒不隔簾欲將紅錦段因夢寄江淹

早秋山居

山近覺寒早草堂霜氣晴樹凋窗有日池滿水無
聲果落見猿過葉乾聞鹿行素琴機慮靜空伴夜
泉清

春日野行

騎馬踏煙莎青春奈怨何蝶翎朝一作胡粉盡鴉背夕
陽多柳豔欺芳帶山愁縈翠蛾別情無處說方寸
是星河

宿友人池

背牆燈影暗宿客夢初成半夜竹窗雨滿池荷葉
聲簟涼秋閣思木落故山情明發又愁起桂花溪

晚唐詩鈔卷第六

十一

十千詩塢

水清

宿豐曲僧舍

東郊和氣新芳靄遠如塵客舍一作路停疲馬僧牆畫
故人沃田桑景晚平野菜花春更想巖家瀨微風
蕩白蘋

西遊書懷

渭川通野戍有路上桑乾獨鳥青天暮驚麝赤燒
殘高秋辭故國昨日夢長安客意自如此非關行
路難

江岸即事

水容侵古岸峰影度青蘋廟竹唯聞鳥江帆不見
人雀聲花外暝客思柳邊春別恨轉難盡年年集注
行行

商山早行

晨起動征鐸客行悲故鄉雞聲茅店月人跡板橋
霜樹葉滿山路枳花明驛牆因思杜陵夢鳧鴈滿
廻塘

題薛昌之所居

所得迺清曠寂寥常掩關獨來春尚在相得暮方
還花白風露晚柳青街陌閑翠微應有雪窗外見

晚唐詩鈔卷第六

十三

十千詩塢

南山

處士廬岵山居

西溪問樵客遙識楚人家古樹老連石急泉清露
沙千峰隨雨暗一逕入雲斜日暮鳥飛散滿山齋

麥花

一作日暮飛雅
散滿庭籩麥花

清旦題採藥翁艸堂

幽人尋藥徑來自曉雲邊衣溼木花雨語成松嶺
煙解藤開澗戶踏石過溪泉林外晨光動山昏鳥
滿天

題造微禪師院

夜香聞倡後岑寂掩雙扉照竹燈和雪看松月到
衣艸堂疎磬斷江寺故人稀唯憶湘南雨春風獨
鳥號

和友人盤石寺逢舊友

楚寺上方宿滿堂皆舊遊月溪逢遠客煙浪有歸
舟江館白蘋夜水關紅葉秋西風吹暮雨汀艸更
堪愁

贈盧郎中

白首方辭滿荆扉對渚田雪中無陋巷醉後似當
年一笈負山藥兩瓶攜澗泉夜來風浪起何處認

漁船

贈盧長史

移病欲成隱扁舟歸舊居地深心事少官散故交
疎道直更無侶家貧唯有書東門煙水夢非獨爲
鱸魚

贈鄭處士

飄然隨釣艇雲水是天涯紅葉下荒井碧梧侵古
槎醉收陶令菊貧賣邵平瓜更有相期處南籬一
樹花

贈隱者

茅堂對薇蕨爐煖一裘輕醉後楚山夢覺來春鳥
聲採茶溪樹綠煮藥石泉清不問人間事忘機過
此生

贈越僧岳雲

集作
雲

蘭亭舊都講今日意如何有樹開深院無塵到淺
莎僧居隨處好人事出門多不及新春鳥

集作
鴈

年年
鏡水波

贈楚雲上人

松根滿苔石盡日閉禪關有伴年年月無家處處
山煙波五湖遠瓶屨一身閑岳寺蕙蘭晚幾時幽

鳥還

晚唐詩鈔卷第六

十五

十千詩塢

春日寄岳州韋員外

萼弱樓前柳輕空花外窗蝶高飛有伴鶯蚤語無
雙剪勝裁春字開屏見曉江從來世情戰今日欲
歸降

從小識賓御恩深若弟兄相逢在何日此別不勝
情紅粉座中客綵旂江上城尚平婚嫁累無路逐
雙旌

初秋寄友人

閒夢正悠悠涼風生竹樓夜琴知欲雨曉簾覺新

秋獨鳥楚山遠一蟬關樹愁憑將離別恨江水一作外

送人東遊

荒戍落黃葉浩然離故關高風漢陽渡初日郢門
山江上幾人在天涯孤櫂還何當重相見尊酒慰
離顏

送僧東遊

師歸舊山去此別已悽然燈影秋江寺篷聲夜雨
船鷗飛吳市外麟臥晉陵前若到東林社誰人更
問禪

江上別友人

秋色滿葭菼離人西復東幾年方暫見一笑又難
同地勢蕭陵歇江聲禹廟空如何暮灘上千里逐
離鴻

中書令裴公輓歌詞二首

王儉風華首蕭何社稷臣丹陽布衣客蓮渚白頭
人銘勒燕山暮碑沉漢水春從今虛醉飽無復污
車茵

箭下妖星落風前殺氣迴國香荀令去樓月庾公
來玉璽終無慮金滕竟不開空嗟薦賢路芳艸滿

燕臺

敷水小桃盛開因題

敷水小橋東娟娟照露叢所嗟非勝地堪恨是春
風二月豔陽節一枝惆悵紅定知畱不住吹落路
塵中

山鷄

石一作萬壑動晴景山禽陵翠微繡翎翻艸去紅嘴啄
花歸巢暖碧雲色影孤清鏡輝不知春樹畔何處
又分飛

晚唐詩鈔卷第六

